

The Electronic Manipulus florum
www.manipulusflorum.com

Vita humana presens u
cum fonte primo

Pernaugauimus, Lucilii, uitam et
quemadmodum in mari, ut ait Virgilius
noster: Et terre et urbes recedunt;

sic in occurso rapidissimi temporis
primum puericiam abscondimus, deinde
adolescenciam, deinde quicquid est illud
inter iuuenem et senem medium in
utriusque confinio positum,
deinde senectutis optimos annos;
nouissime incipit ostendi publicus finis
generis humani.

Scopulum illum putamus esse
clementissimi;
portus est aliquando petendus,
nunquam recusandus.

Seneca LXXI. epistola.

Praenavigauimus, Lucili, uitam et
quemadmodum in mari, ut ait Vergilius
noster, terraeque urbesque recedunt,
(Aen. 3, 72)

sic in hoc cursu rapidissimi temporis
primum pueritiam abscondimus, deinde
adulescentiam, deinde quidquid est illud
inter iuuenem et senem medium, in
utriusque confinio positum,
deinde ipsius senectutis optimos annos;
novissime incipit ostendi publicus finis
generis humani.

Scopulum esse illum putamus
dementissimi:

portus est, aliquando petendus,
numquam recusandus,

in quem si quis intra primos annos
delatus est, non magis queri debet quam
qui cito navigavit.

Lucius Annaeus Seneca, *Ad Lucilium
epistulae morales*, 70, 2-3 (L. Reynolds
ed., vol.1, p.203, ll.6-16).